

- Possumus et bravio vite proximare.
 Sic Damete pocula¹ Tytirusque clare
 Prebent exercicium, docent duellare
 30 Ac virtute vicium quodque subplantare;
 Agros in Georicis colens aggregare
 Messem scit triticeam² falceque secare,
 Sollers quoque lolii culmos explantare.
- Agri legis steriles iam si colerentur,
 35 Manipuli finaliter lete tollerentur;
 Gete³ iam ridiculo plures edocentur,
 Vanitates hauriunt⁴, varie mulcentur.
 Pedetemptim scrupuli lectis percunctentur:
 Si transcurso legitur, lecta non tenentur,
 40 Scriptis cum satyricis quique delectentur,
 Laudo, si misterium scripti perscrutentur,
 Primis exercicia voluntati dentur,
 Si qui latent scopuli, mente propulsentur!
- Nam, ut massam modicum corrumpit fermentum⁵,
 45 Nectit conscientiam vicii fomentum;
 Ingratos erudiens sulcat — credo — ventum;
 Modernis est unicum cunctis molimentum
 Venter edax, lubricum⁶ quodque lyramentum,
 Rancor, fraus, invidia, dolus et figmentum.
- 50 Fraus, simultas, heresis iam se dilatavit,
 Ramos in ecclesia spine pullulavit;
 Iuno⁷ gazas farciens ramos ampliavit;
 Discolis ecclesias hic dilapidavit,
 Erumpnoso⁸ stipite probra cumulavit
 55 Radix, virus siciens, quod et propinavit;
 Iura nam katholice cassa reputavit;
 Codex astrolabicus nares perforavit⁹,
 Ut capaces fierent circuli; frustravit
 Sese laudum¹⁰ titulis; cultos cruentavit

1) Cf. Verg. Ecl. III, 44 sqq. 2) Vgl. Verg. Georg. I, 219: 'si triticeam in messem . . . exercebis humum'. 3) Gemeint ist wohl des Vitalis Bles. Geta comoedia. 4) Vgl. 'ne vanitates hauriat' in dem Hymnus 'Iam lucis orto sidere'. 5) Vgl. 1. Cor. 5, 6: 'modicum fermentum totam massam corrumpit'. 6) 'edax molubricum' Hs., doch 'mo' gestrichen. 7) So haben auch beide Hss. des Chron. rhythm. v. 552, was Wattenbach in 'Immo' änderte. 8) 'Erumpnoso' Hs. 9) Vgl. Iob 40, 19: 'in sudibus perforabit nares eius'; ibid. 40, 21: 'pones circulum in naribus eius'; s. auch Is. 37, 29; Prov. 11, 22. 10) 'laudunt' zu 'laudum' korr. Hs.